



YMA GEN.CONFERENCE KOLASIB - AH HMANG DAWN

Chanmari West, October 23: YMA General Conference 2011 chu Ni 25-27.10.2011 chhung hian Kolasib (Diakkawn Field)-ah neih a ni dawn. Thupui atan 'Khawtlang Nun Siamthat' hman a ni ang. Kumin YMA Gen. Conference hi hruaitu thlan kum a nih avangin member thahnem tak an kal beisei a ni.

Ni 25.10.2011 zan Dar 6-10:00 hian Palai lawmna inkhawm neih a ni ang a, he hun hi Pu H.Zoremthanga'n a kaihruait ang a, Palai lawmna thu Pu H.T.Rila, Vice President, Sub-Hqrs. Kolasib in a sawi dawn a ni. Zaipawl leh malzai ngaihnawm tak tak ngaihthlak tur a awm bawk dawn a ni. He hunahhian 2010 chhunga YMA Chanchinbu tha, YMA Chanchinbulu tam leh Ram leh hnam humhalh tha lawmman sem a ni bawk ang.

Ni 26.10.2011 ni hian ROREL INKHAWM (10:00a.m - 4:00p.m) Pu Lalchungnunga, President CYMA kaihruaina hnuaih neih a ni ang a, Pu Lalnggheta, Treasurer CYMA in budget a pharh nghal ang. Rorel chhung hian Diakkawn Hall-ah Variety Programme hman a ni ang a, zan lamah vantlang inkhawm buatsaih leh a ni ang. Ni 26 zing Dar 9:30a.m hian Pu K.Sapdanga, CEC in YMA Exhibition a hawng dawn bawk a ni. Hemni chhûn leh zân hian Inkhâwmpui Palai zawng zawngte Mizo hnam zia râng pho lang thei ang bera inchei vek tûr a ni a, chanvo nei turte phei chu he ngenna zâwm ngei tûra ngen an ni.

Ni 27.10.2011 Dar 11:00a.m ah hian hruaitu thlanna hun hman a ni ang

a, tarlan tawh angin Returning Officer tur chu Pu Vanlalrema Rokhum, CEC a ni ang. Central YMA Nomination List te chu :-

- | | |
|---------------------|--------------------|
| 1) Dr.Lalnuntluanga | Zemabawk |
| 2) K.Lalrinmawia | Thuampui |
| 3) H.Lalsangzuala | Ramhlun Vengthar |
| 4) J.Lalsailova | Mission Veng North |
| 5) Lalbiakzuala | Khatla |
| 6) Lalchungnunga | Ramhlun North |
| 7) Laldawngliana | Tochhawng Kanan |
| 8) Lalhmachhuana | Chaltlang North |
| 9) Lalrochuanga | Pachuau Zarkawt. |
| 10) R.Lalbiakthanga | Zemabawk North |
| 11) R.Lalngheta | Hlimen |
| 12) RL.Rindika | Bungkawn |
| 13) T.Sangkunga | Dinthar |
| 14) Vanlalruata | Tuikual South |

Ni 27.10.2011 dar 7 - 10:00 hian Palai thlahna hun hman a ni ang a, President nilai Pu Lalchungnunga leh President atana thlan thar te bakah Pu Lal Thanzara, MLA, Chairman, Fund Rising Committee ten thu an sawi ang. Palai thlahzan hian Mizo zaithiam hrang hrang zaipawl, mimal, Pu Rosangliana, ZOROCK, Mizo Idol 1-na bakah 2011 Comedian Search a 1-na ten hun an hmang dawn a ni.

LIR THEI

Lir thei han tih ringawt chuan i lung a kuai lem lovang-mahse a hun a thleng ta-lir thei tual lai.

Khawvel thang zel ah kan nunphung te a in her zel a, tunah phei chuan dawhkan a dak pha tawk tawk pawhin pha leh pha lovin Computer an ti kal zet zet tawh mai. Chutih lai chuan lirthei lah a tam tual tual mai bawk si. Aizawl khawpui phei chu a pung chak em em mai le.

Sorkar te pawh hian hma an la in a tih dan tur te tha tak takin han dawng thin mahse-meng leh meng chu in bum theih tih ang hrimin Garrage nei lem lo pawhin mite beh chhanin Registration kan ti thei zel bawk si, abuaithlak zawng a nih hi, thuneitu te tan chuan kan veng chhung hi chu tunai hi chuan kawngte hi a tawt lo deuh dan te han zawng se-kaih harh theih hi an awm hlawl lo emaw ni le.

Kawng a zau leh kan dahna lai a zau deuha, a zim leh kan dah zim deuh a ni mai bawk si-A hah thlak zawng a nih hi hi. Nang enge i ngaih ve.

Branch News

YMA Gen Conference Kolasib a neih tura kan Branch atanga kal tute chu Ni 26.10.11(Nilai) zingkarah kal in, Ni 27.10.11 tlaiah haw leh tura ruahman a ni.

YMA Gen Conf Ni 26.10.2011(Nilai) chhun leh zan hi Mizo hnamzia pholang thei zawnga inchei tur a ni a, kan Branch atanga palai kal tute pawh incheina lamah fimkhur turin kan in ngen a ni.

Kan Branch Vice.President Pu R.Lalhmachhuana leh Exe.Member Ni Lalramengzami te chu Central YMA hruaitu tur thlanna neih turah P.O atana ruat an ni.

Zawlruk Fund Section tintena an khawn tawh chu a ranglama Branch Sun vengtute hnena thehlut turin Branch Committee chuan Section tin te a ngen a, thahnemngai tak khawn tu Section hruaitute chungah Branch Committee chuan lawmthu a sawi tak meuh meuh a ni.

NGENNA

Khuangchera Section Bungraw In bul leihlawn chhia chu siamthat mek a nih avangin, helai hi motor leh ke a kal ten dim hram nise, a chhiat leh that hi keimahni ta a ni tih hrereng turin kan in ngen e.

LUSUN KHAWHAR

Pi Farlianchani W/o Rinthanga, Ni 16.10.2011 Dar 8:45p.m leh Grace Lalhmangaihzuali D/o Stephen, 18.10.2011 Dar 1:05a.m khan an boral a, an kalsan tak an chhungte CWBYMA chuan a tuarpui takzet a ni.



TUNKAR CHANGVAWN
Tisa dana awmte chuan tisa lam thilte an duh thin; Thlarau dana awmte erawb chuan Thlarau lam thilte an duh thin.

Rom 8:5

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv.Thangkhuma
9862303135
Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpuia
9612359161
Jacob Lalrinsanga
9612319779

Production

Manager
R.Lalhmachhuana
9436151817

Branch Office Bearer

President
T.Ngurkhuma
9436190843

Vice President
R.Lalhmachhuana
9436151817

Secretary
RL.Thanhnuna
9436152760

Asst. Secretary
K.Darthantluanga
9436196071

Treasurer
C.Lalzarliana
9436142049

Fin.Secretary
Lalthuamluua
9612216649

Advisers
Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Kan vengchhungah hian vantlang tana mi inphal tak tak kan awm nual lai hian khawte rilru pu a mahni tapchhakzawla inti fing tak khawtlang tana hun, tha leh hrui seng mang silo te hi kan awm nual mai. Khawtlang huap a thil tihna kawng hrang hranga thawhchhuah tum silova khawtlang hruaitutena rawtna leh ruahmannan siam te sawi sel zuah zuah leh lawi si sum thawh a ngaih chang pawh a a khawntute tana khawn nuam lo rawih khawp a lo khawsak ching te hi veng chhung hmasawnna daltu an ni. Khua leh tui tha nih hi khawtlang tan mai nilo Pathian rinna kawng a kan rinna tilangtu pawimawh tak a ni a, Kohhrana inhmang hle si vantlang tana phal nei miah lo hi kan ni ang tih a hlauhawm khawp mai. Heti zawng hian i chhut ve ngai em? Chanmari West hi a lo pian tirk atang khan tun thleng hian vantlang nun leh hmasawnna kawngah engzahnge ka thawhchhuahpui ve tawh. Kawngpui a lo tlang theihnan hian ram engtia zau nge i pek tawh? Kawngpui laih laia inches 1 pawh pe phal lo i ni em? tih i in zawt teh ang u.

Article :**MIZO HNAM DANA NUPUI PASAL
INNEIH DAN LEH A KALPHUNGTE****- Dinga**

Hmanlai atang tawhin nupui pasal inneih chung changah Mizote hian kalphung fel tak kan nei a, Kristian kan nih hnu pawhin engemaw chen chu kan tihdan phungte ti danglam chuang silovin kan hmang chho zel a, Kohhran dan leh Mizo hnam dan kan kaikawp tlangpui, tunlaiah erawhchuan khang hmanlaia kan lo tih dan te leh kalphung hrim hrim pawh hi Westernisation hian a lo ti danglam ta dawrh mai a, Khawtlang nun siamthatna kawng peng khat a nih beiseii nlem han ziah lan ka dun ve a ni.

Nupui pasal neih dan hi kawng hnihilin a sawi theih awm w, a hmasa zawkah chuan inngaihzawnna avanga nupui pasala insiam a ni a, pakhat zawk erawhchu chu nu leh pa ten emaw pu ten emaw an sawi rem hi a ni. Hmanlai kha chuan a hnuhnung zawk khi an hmang nasa mah niin a hriat a, tunlai hunah erawh chuan inngaihzawnna atanga nupa a insiam hi kan tih dan tlanglawn ber chu a ni ta hrih a ni.

INNEIHNA CHUNGCHANG -

Mizote hi hmasang atang tawhin palai hmangin mipa chhungte leh hmeichhe chhungte an inberem a, mipa lamin hmeichhe chhungte hnenah nupui man an pe a, hmeichhe chhungten an dawng a, hmeichhia chu a pasal tur te in lamah a lawi ta thin a ni, tunah erawhchuan sakhaw puithiam emaw inneihtirtu tura ruat apiangin an inneihtir mai thin.

Inru emaw, inluhkhung emaw, infan emaw te chu eng chen pawh nupa anga awm dunin fate hial pawh nei mahsela man leh mual in hlanna emgmah a awm loh chuan nupa anga chhiar theih an nilo.

MAN LEH MUAL - Hmanlai atang tawhin inneihnaah chuan mipain a nupui man a pe thin a, chu chu "**man leh mual**" a ni. Man leh mual hi mihringte inleina a ni lo va, nupui pasala innei turte leh an chhungte ve ve, chhun leh khata insuihkhawmna tura inremna entirna a ni. Chuvangin kawngro nei taka siam a ni.

Man teltu chu pa ber a ni a. Pa ber a awm loh chuan a aiawha pa chan chang apiangin an tel thin, chumi ngei chuan man pawh a sem leh thin. Tunlaiah chuan intih changkanna leh intih remhriatna ni awm takin pasal neitur hmeichhia kha a man an sem tir thin, a then chuan inneiturte pahnih kha hmeichhe man an sem tir bawk thin hei hi chu mibak sawna intih bengvarna emaw intihchangkanna vang mai mai a ni. Mizote nih phungah hi chuan man sem tu tur chu man teltu ngei kha a ni. Man teltu chuan om a chu a theih angin a lawi anga, makchhiat a tawh

pawhin a tuam hlawm tur a ni.

Man leh mual hi tangkaa bithlia a nih hma chuan ro thil, thi leh dar te leh sial te an hmang thin a. Tin, bel leh hriamrei thleng pawha hman a ni bawk thin.

MAN EI TUTE - Mizote inneihna chungchanga man eitute hi PALAL eitu tih loh a dang zawng chu laina bul tak tak an ni vek a, PALAL erawh hi chu khual khua a pasal nei ten a an hmelihriat tha deuh mo pawh lo tuam hlawm thei tur an zawng chawp thin. Tunlai ah chuan a duh leh phur nazawngin man hi an ei ta mai niin a hriat a ni. Inti Mizote hle si hetiang lama Mizote kalphung hre silo nih hi thil zahthlak tak te pawh a niin ka hria.

MAN TANG - Mantang eitu te chu a hnuai tarlan ang hi a ni.

- Sumhmahruai : Sumhmahruai chu Mantang zinga mi, Pasal nei pa chanpual a ni a, a ni chuan a unaute emaw a fapa indang tawhte emaw a teltir thin.

- Sumfang : Hei pawh hi Mantang zinga mi a ni. Pasal nei pa chanpual a ni a, a ni chuan a unaute emaw a fapa indang tawhte emaw a teltir thin.

- Pusum : Mo pu (Mo hringtu nu pa) ei tur a ni. A pu chu a lo thi tawh a nih chuan a pi (a pu nupui) a la dam phawt chuan a pasal la dam tluka ngeih a ni a, a ni chuan a ei tur a ni. Anni nupa an thih tawh chuan an rokhawmtu ziding ber chuan a ei tur a ni. Pu dik tak ten pusum an tel lo a nih chuan, pu dik tak chuan 'Pu ban man' Sial a thing thei. Pusum tel tur dik ber a thih tawh chuan a fate zinga mi pakhat aia tamin

(Karleh ah chhunzawn leh a ni ang)

TAITESENA

☞ Karleh hun remchangah hian member nawlpui hnatlang neih leh tum a ni a, hunawl lo insiama hnatlang theuh turin memberte an in hriattir lawk.

☞ Section chhungah ualau taka ruihtheih thil tih leh bengchheng siam khap tlat a ni a, nu leh pa te pawh kan fate fihlim theuh tura zirtir turin an ngen.

☞ Athawhkhant nan ni 24.11.2011 (Thawhtanni) hian Pu Lianzuala te inbul atanga Pu NS.Thansiama (L) te kawmthlang kawngpui inkar step rawng hnawih tur a ni. Kan rawng hnawih thar hi veng mipuite dimdawi taka enkawl theuh turin an in ngen.

☞ Ni 21.10.2011 (Zirtawpni) nileng khan an hruaitu leh Branch hruaitu lo ni tawh Pu Lianzuala ten an nu boralta hriatrengna lung an phun a, section memberte leh hruaitute a tul ang ang buaipui tura min sawm angin nilengin an pui a member rawn hawkchhuak zawng zawngte chungah lawmthu an sawi.

☞ Zawlbuk Fund la tifello ten a ranglama tihfel tum theuh turin an in ngen.

☞ Section Secretary Pu R.K Rozidina Hnahthial lama zin pawh dam takin a lo thleng leh ta.

☞ Ni 26.11.2011 (Inrinni) hian Liando Picnic Spot-ah Section intihhlimna cum Social hman tum a ni a, hemi ni a kal tum te chuan Section O.B te hnenah Rs. 20 kengin hming ziah luh tur a ni a, member hming pe hi Sawmnga (50) kan tlin loh chuan he hun hi thulh tur a ni. Member kal tum te chuan a rang lama hming pe lut turin Section Committee chuan a ngen a ni.

KHUANGCHERA

☞ YMA General Conference Kolasib-a awm turah member a tam thei ang ber kal turin an in ngen.

☞ Branch Committee-in rem a tih chuan ni 18.11.2011 hian intuaitharna leh intih hlimna hun hman tum a ni a, a kal duh tur chuan ni 16.11.2011 ral hmain Secretary-te hnenah Rs.50 kenga in report vek tur a ni.

☞ Branch buaisaih Section wise Sport-a Section Jersey hatu la thehlut lo zawng zawng khan pu Lalliansanga (Malala) hnanah a rang lam a thehlut vek tura ngen leh hriattir in ni.

☞ Section huam chhungah Zawlbuk Fund khawn mek a ni a, thahnemngai taka pe tute chungah Section Committee chuan lawmthu a sawi a, hruaitute pawh a ranglama khawn fel turin an in ngen.

NEUVA

☞ Salvation Army Hall bul lei siam chu a that zawk a a lo tlo zawk theih nan kar khat chhung lirthei a kal tlang theih dawn lova, lirthei neituten lo hrethiam hram turin an ngen.

☞ Local Council thupek angin Zuang tuikhur-ah inbul, insuk, Motor sil leh pipe hmanga tui lak khap tlat a ni.

☞ 20th National Mini Volleyball Championship Chhatisgarh-a neih ah Mizoram aiawhin Lalrambsanga S/o Lalsangzuala leh Lalfakzuala S/o Zaithanmawia an kal a, Section Committee chuan an chhuang hle.

☞ November thla hun remchang hmasa ber-ah Section member-te intih hlimna (Outing) neih tum a ni.

☞ Zawlbuk Fund la tifello ten a ranglama tihfel tum theuh turin an in ngen.

CHAWNGBAWLA

☞ Pi Farlianchani W/o Pu Rinthanga Kum 62 leh Grace Lalhmangaihzuali D/o Steve Zangkhozam fanu te chuantunkar khan min boral san a. Khawhar chhungte section in a tuarpui hle.

☞ Steve Zangkhozam te chhungin mithi Signboard tha tak mai an pe a, section chuan an chungah lawmthu a sawi.

☞ Pu C. Laltanpuia leh Pu Lalchhandama Ralte ten an Gas thuk section an hawthira, an chungah section chuan lawmthu a sawi. Pu Zoramthanga Ralte in Whiteboard a hawh tir bawk a, a chungah pawh section in lawmthu a sawi a ni.

☞ Kar leh hunawl hmasa berah section committee tum a ni a, committee member te lo in ring turin an in chah.

☞ Zawlbuk Fund chhungtinah khawn mek a ni a, phal taka thawhtute chungah section chuan lawmthu a sawi. Khawn khawm sa hi bial vawngtu ten thehlut thuai turin an inhriattir bawk.

VANAPA

☞ Pu H.Lalrinthanga te chhungkua in an Fanu Boral ta Nl Biakthianghlimi (Mathiangi) hriatreng nan Chhiatni Sign Board Cheng 1300 chuang man an rawn pe leh a an Chhungkaw chungah an lawm takzet a ni. An Signboard

hmasa (Alkosign Sign) hmanlai mek pawh an mahni pek ani a, an Chhungkaw chungah an lawm takzet a ni.

☞ T v H m i n g t h a n s a n g a (Hmingtea), Pu PC Lalhmingsanga,Nl Rebeck Lalrempui te Damdawiin a awm an dam thuai an beisei.

☞ Zirtawpni Zan khan Sertui zuar a Section hnatlang neih ani a lo leisaktuzawng zawng te chungah Section in lawmthu a sawi.

☞ An Hruaitu Pu R Vanlalsawma Nu Chawngziki, Tualcheng Khua ah a boral.

☞ House No peih fel tep a ni.

☞ Ni 26.11.2011 khian intuai tharna leh Champion lawmpah a Outing LAD Picnic Spot Lengpui-ah neih tum ani a, Section Member zawng zawng bakah Hruaitu hlui zawng zawng te tel turin an in sawm ani. A tel tur chuan Rs 50 leh Buhfai No 1 Secretary Tv. Mangheta leh Tv Hmingthana te hnenah October thla ral hma ngeia pek tur a ni e.

☞ Zawlbuk Fund Cheng 73,150 chuang hmuh ani a, phal taka ngenna ngaipawimawha thawhlawm thaw tu te zawng zawng chungah Section in lawmthu a sawi.

The Leprosy Mission - General Meeting

A hnuai tarlan ang hian The Leprosy Mission - Mizoram pum huap General Meeting neih tur a ni a, Channari West - Unit atang pawhin atam thei ang ber kal tura ngen leh sawm kan ni a, a bikin Bialtin Collector te, Joint Secretary te, bial tin a Convener te leh he lama tui mite kal turin kan in sawm a ni. kalna tur Bus siam rem a ngaih dawn avangin kal tumte chuan OB (Office Bearer) te hnenah in hraittir ran nise.

Ahmun : Lairam Isua Krista Baptist Kohhran, Lawnglai Bazar

Ahun : Ni 4th - 6th Nov, 2011

ZCC NEWS

☞ Vice President Tv. V. Biaknghinglova leh an Committee member Tv. Vanlahriata te Lawnglai Song & Drama Bill buaipui a kal te pawh tluang takin an lo haw leh ta.

☞ An member Nl. Irene-i 'V' Section Api in a boral san chu an tuarpui hle.

☞ YMA General Conference Kolasib a neih tura an member kal tur zawng zawngte nuam taka conference hmang turin duhsakna an hlan.

AW ZAWLBUK LUNGPHANG SUH

Chanmari 'W' Veng hi Aizawl tlak lam, veng thlir nuam em em lem lo, a boruak ah chuan zau ve tak a ni. Chumi chhungah chuan mi rethei te te cheng khawm, tunah tak phei chuan veng lian ve tak a lo ni ta. Amaherawh chu hmun pawimawh tak awm lem lohna a ni si. Kan hmun leh mual neih chhun te lah chen fakawm tak2 awm lem lo a chen fakawm tur pawh a siam awm lem bawk si lo an ni.

Chutih lai chuan YMA ten hmun tha ve tak Zawlbuk kan han sual ve ngawt chu a ni a, Sorkarah te a theih ang kawng kawngin fund te han dil ve bawk thin nain hmuh chhun lah a bei tham thin si-a ban pahnih khat han siam ila a zo der mai zel si. Bei nge sei run dung tih ang hrim in mipui ah a meikhu chhuahin han khawn bawk thin mah ila, a lut tam thei tak tak bawk si lo. Thu nei thei deuh leh huhang nei deuh te lah hian han vei ve thin mahse an chil perchiah bak chan tur a awm leh thin bawk si lo. Mut mawh hnhar mawha neitu tan chuan bei te pawh hi a dawng rum rum thei mai awm e. Han ngaihtuah ve teh!! Enge i ngaih dan le.

Aw Zawlbuk ka va han khawngail tak che em. Pi Pu te hun lai kha chu ni se, Veng nu leh pa ho hian Zawlbuk te chu an sa zo thei ngei awm si a le. Mahse lungphang suh a chhunga cheng YMA te hian YMA member han pun khawmna tur tal chu an khawr phui ngei ang chumi atana hun leh tha thawhtute zawng zawng chungah lawmthu a sawi rualin la tang fat fat turin kan in ngen ani. A lem hi a takah chang zel ang-Zawlbuk.

UI LEH AR

Thil te hian han vei thin mah ila, a sawt dan a nep thei bawk si, han vei lo ila, a zual tulh tulh a hlauhawm bawk si,

Kan veng chhunga ui leh ar hi kan vei ve leh lawk the ang. Ar hi chu khawlai ah hmuh tur a tlem ta hle mai, mahse ui mawlh mei hi a va han vei awm tawh tak em. Ui vulh tu te hian eng atana vulh nge maw an nih le ti in ka ngaihtuah thin. A tawpah chuan ka ngaihtuah chhuah tak ber chu hei hi a ni. Veng chhungah mi te tan an tha leh zung an seng lova, chutah an in a leng lut tur mi midang an ngai lem lo ni ta berin ka hre ta. Miten an ui lo ngei deuh se a ngeitu chu a haw zui ve mai a, hmangaih tur Lal Isua hmangaihlovin a sum leh pai leh an neih thil-ui te an hmangaih ni ta ber in ka hria. Chuvang chuan enkawl a, mite tan hnawk sak lova enkawl tum ni lem lo-Ui chhuah hi khap lovin a neitu te hi chhuah khap ta mai ila a tha i ti ve mai lo maw !! Nang enge i ngaihdan le.

CWSC NEWS

VOLLEYBALL

Committee-in a rel angin hruituten sum thawkhawm tur a ni a, O. B ten an rawn khawn huna lo pe thei turin hruitute an in chah.

Zana Practice an neih thin chu Indoor bul vela awm ten lo dawh hram hram turin an ngen.

Practicethe leh zual turin playres te an ngen.

TLANGVAL CHHUANAWM

Tv. P. C. Lalremruata (Materema) chuan British Army-ah Royal Logistic Corps a zawm dawn a, a ni hi Mizo te zinga Royal Logistic Corps zawm hmasa ber a ni.

HETAH HIAN SMS LA

>>8794162539<<

Information Mike a Kohhran thil kan puang fo hi chu a tha ber em aw! Vengdang hian an tih ka hre ve lo tlat. Kohhran Mike atanga puan mai thin nise a va tha awm ve.

9612190_ _

(*Hemi chungchang hi chu Branch O.B te zawhfiah mai a va tha awm ve!!!!*)

**SMS huanga kan Cell
No. engemaw avangin a
hman theih tawh loh a number
thar kan rawn dah e.
Kan khaiatlak chhunga
sms thawn lo tum te in
hriatthiamna kan ngen tak
meuh meuh a ni e.**

HRIATTIRNA

ADFA -in U-13 a siam tura tel duh kum 13 hnuailemte vawiin (Pathianni) lai dar 3:00-ah Indoor Stadium Table Tennis Hall-ah kalkhawm tur a ni e. Football a tui naupang zawng zawnge kal turin an hriattir.

KID'S DEN PRE SCHOOL, NURSERY DAY CARE AND AFTER SCHOOL CARE

January 2012 atanga tan turin Kid's Den-ah ni 1.11.2011 atangin Admission hawn tan a ni ang. Naupang PSYCHOLOGY, GROWTH and DEVELOPMENT trained chhuak, B.Sc Nursing in a enkawl dawn a, Teacher te pawh Trainee mek an ni. Thla inkar danah DENTAL leh MEDICAL checkup neisak ziah an ni bawk ang. Tin, After School Care - ah hian School Naupang Class I-VIII School banah Home Assignment leh Tuition mumal tak (Perental Care) pek an ni ang. DAY CARE (Nau awmna) tih tel bawk a ni. Zawt chiang duh tan a hnuailemte vawiin (Pathianni) hriatthiamna kan ngen tak meuh meuh a ni e.

Ph - 8794026603

A Hmun : Chaltlang Venglai,

D. Lalthlengiani Building

(1-6)

LAWMTHU

Kan nu Vanlalhmangaihzu (Hma-i) hriatthiamna kan ngen tak meuh meuh a ni. Naupang PSYCHOLOGY, GROWTH and DEVELOPMENT trained chhuak, B.Sc Nursing in a enkawl dawn a, Teacher te pawh Trainee mek an ni. Thla inkar danah DENTAL leh MEDICAL checkup neisak ziah an ni bawk ang. Tin, After School Care - ah hian School Naupang Class I-VIII School banah Home Assignment leh Tuition mumal tak (Perental Care) pek an ni ang. DAY CARE (Nau awmna) tih tel bawk a ni. Zawt chiang duh tan a hnuailemte vawiin (Pathianni) hriatthiamna kan ngen tak meuh meuh a ni e.

LALLIANZUALA

Leh

a fate Taitesena Section

CHAM CHAM STORE
Chanmari West. Aizawl. C-85/01A
Ph. 9436352887 / 0389-2348162

Hengte hi kan ti thei e.
**Xerox, Lamination, Photo Block Lamination,
Passport Size, Spiral Binding, Invitation Card,
Visiting Card, Signboard, Baner designing etc.**

**Photo quality tha tak water proof
Camera, Mobile Phone etc. atangin kan print thei.**

